

非諸久定結蒸歸諸本蒸隨取當隨泄

沐浴呪

太玄神水五行之初生能浴物洗新除故濁
飲養命死苦難過若非大慈何能救度家祿
朽骸願登仙路

沐浴變衣呪

五濁已清八景已明今日受鍊罪滅福生衣
巾鞋履以飾儀形汝今冠帶齊整上清

召月字宋天君呪

至陰之精金木化生玉樞敕命太一雷君裸

形披髮三界橫行手持寶劍擊電液金雷送

聽令役使萬靈神劔一下邪鬼滅形噫呼

謹請九天飛罡採集轟雷掣電太一月字雷

君賜雷急急降陰雷急急升召起雷光發呼

起霹靂鳴謹召陽雷使者焉郭方鄧田陰雷

使者張許姚雷南準款須當先領符須急至

殺伐要猛烈上下要相通邪神速追至急急

如律令
運雷致雨呪
風發冥戶雷震九天雲飛碧落雨降臨軒電

光煌赫助道通仙急心如律令

還神呪

師傳上道奉敕上玄行令已畢驅滅邪源復
歸本治安致稽延後召運到號令玄元急急
如律令

役遣呪

五方五命天陽地陰氣順天地動震之靈五
符元命魁罡星順天行道化現渺冥速收
真炁住布風雲裝吾使令五雷前奔急急如
律令

救雷呪

雷光雷光太一伏藏太伯風令四日皓翳帝
君守水擲太陽精雨師何開風令何平神威

月華金仙發程水火周流韓伯負舟三官聞
明五帝信幽太上令敕龍飛雨滴急急如律
令

起雷呪

雷電相逐天地為目八方正炁電光閃爍起
雷使者起吾壇界震雷霹靂急急如律令
太上三洞神呪卷之六

太上三洞神呪卷之七

祈禱召役諸呪

救霹靂符呪

角箕之精甲乙神靈揚波鼓舞雲雷速與并
軫之星丙丁曜靈飛火萬里火逐煙生奎參
之精庚辛之靈流鈴掣電劔戟交橫斗壁之
精壬癸星靈湧波激浪護佑應身天精之靈
水火之英霹靂使者火鈴將軍三天力士十
極皇君雷火速起電雷速奔飛霜鐵斧隊仗
紛紜奸神孽鬼邪恠妖精妄求血食酷害生
靈不分大小陰救陽封群魔游議盡解雷電
千千截首萬萬剪形順吾者生逆吾者傾稍
違吾令如逆上清急急如律令

役符呪

赤天之威電掃風馳律令大神手執針鏃遊
行三界日月藏輝星昏斗暗鬼哭神悲鐵輪
叉戟山嶽傾摧急急如律令

飛雷符呪

丹天火雲威震乾坤上攝妖炁下斬邪氣飛
電鏃鏃揚風無停通真變化朝謁帝君急急

如律令

破邪呪

律令大神萬丈藍身赤鬚雲陣聲震雷霆手持斧鑽呼集天兵擊烈火車燒鬼滅精上下交接足踏火輪水火縱橫交媾丙丁洞淵黑

熱魁罡真人除災力士降魔將軍行神布赤三界遊行毋分遠近洞谷泉高依單附木土恠石精陽封陰救諸佞神明邀求血食酷擾生靈前後作過遇赦不原攬魂肆禍積惡盈貫並行戡戮不許留停追魂復體病患康寧增加福祉享街遐齡宗風闡布道化流行急急如律令

靈劍呪

乾降精神應靈日月象嶽瀆形驅雷電運元精推凶惡享利貞太上符命攝威十方天地奉敕策召神王三界司命莫不束形九土真官以神合真推山攝海水帝送迎傳告五帝保劫長存諸天星宿自來輔業急急如律令

龍符呪

神雷金龍在天化生九江五湖水府真仙生

變雷電統領陰精交風攝火驅役天兵飛雲散赤上徹太冥布暴神化六甲六丁帝敕符命不得久停急急如律令

太一使者呪

天界青靈日月星辰五斗五星璇璣玉衡飛步使者鐵甲威神左擊泰山右執崑崙具符到處殺鬼萬千敢有拒逆化作微塵急急如律令

太一二使者呪

北界冥冥萬里神君北斗七元七政玄冥飛步使者鐵甲威神左驅五岳右役六丁直符到處霹靂一聲敢有逆者化作微塵急急如律令

太一三使者呪

水界幽冥五嶽龍君三台華蓋大賜威靈飛步使者鐵甲威神五丁大敢天地肅清直符到處殺妖精敢有拒逆化作微塵急急如律令

祛風呪

太一陽明六甲之精浩蕩使者飛砂走塵騰

空萬里邵陽將軍符到奉行不得留停急急如律令

興雲呪

太一之精六陰之神鑿鑿使者蔽塞四溟周遍萬里邵陽將軍符到奉行不得留停急急如律令

驅雷呪

太一真人六陽之神火車使者雷聲騰震響萬里邵陽將軍符到奉行不得留停急急如律令

飛電呪

太一玄冥丙丁之精電光使者照耀乾坤一燄萬里邵陽將軍符到奉行不得留停急急如律令

驅雨呪

太上丹元軫宿之精潤澤使者廣布天恩飛揚萬里邵陽將軍符到奉行不得留停急急如律令

散電呪

太一北極玉光元精水電使者雷擊風奔廣

布萬里邵陽將軍符到奉行不得留停急急
如律令

霹靂呪

太一天衝擊成之神霹靂使者迅速無垠火
光萬里邵陽將軍符到奉行不得留停急急
如律令

祈晴才郎呪

五雷敕令掌雷霆統轄將吏輔百靈謹告員
符下雷神收雲捲雨火急停使霖霖雨如
繩急急如律令

木郎呪二

敕令三司離天開收雲捲雨正其時五雷速
馳天令施速止霖雨無得違急急如律令

木郎呪三

玉清玉府木郎神天頒告命收浮雲捲霾止
雨母遠巡太陽光輝天无氛不奉命者伐及
身急急如律令

木郎呪四

五方五帝白雷公飛雲神威按太空捲霧收
雲朗太深日耀中天燦昏蒙急急速速疾聽

從急急如律令

欵火真形呪

雷霆律令掌令大神雷火透掣霹靂隨身天
德月德威猛最靈七十二部水帝龍精統領
雷神天火炎神不得違停為吾怒心風火下
掣電令神輪急急如律令

欵火遺呪

黑雲蓬勃火電輝耀靈降耀與雷威震聲大
作風雨隨眾魔拱手山嶽摧救差雷部大藥
又赤天欵火橫天霸叱龍急急如符令行

欵火誓呪

律令大神太一合真五車八馬雷霆推傾上
帝有敕助吾巨身威光掣電速現真形汝敢
違慢有負元盟吾若負汝水不利貞唵吽吽
唵嚩嚩囉唵嚩囉吽吽吽吽嚩囉嚩囉雷神唵
吽嚩嚩囉吽吽吽吽吽嚩囉嚩囉吽吽吽吽
嚩囉嚩囉吽吽吽吽吽嚩囉嚩囉吽吽吽吽
嚩囉嚩囉吽吽吽吽吽嚩囉嚩囉吽吽吽吽
嚩囉嚩囉吽吽吽吽吽嚩囉嚩囉吽吽吽吽
伯兩師聞吾告召速降壇前助吾戡崇誅滅
尤奸祈晴禱雨濟死度生急急如律令

五雷罡呪

一步天雷動二步地水通三步雷火發四步
霹靂通五步五雷使者前掃兇惡後驅孽龍
神靈神靈上徹三清五雷辰伯雷電奉行星
罡步至與吾當先陽光陽光與吾湯光急急
如律令

召欵火呪

律令大神風火之尊功行非細飛遊乾坤斬
妖滅孽捉鬼收魂致雨倏忽作晴頃分待上
帝敕主火元君撒風擲火作水團雲雷公電
母黑睛驚人霹靂一震萬里昏黑隨呪所召
來降巽門飛沙走石撼動崑崙五方五炁驅
雷伏神統領火將殺戮妖氛救護群品拯濟
皇民玉清敕下五雷捷將元帥真君急急如
律令

誓雷呪

雷神昂藏萬里威光掃蕩妖孽驅却不祥上
帝有敕立見吾傍毀洞洞崩裂誅鬼鬼滅去
追覓竟復體救病病安康對天曾歎血立誓
救災殃急急如律令

救雷呪

五方雷神我知其名呼之即至迅電鞭霆鐵面使者赫奕威靈救民疾苦剪截魔精隨聲應感萬神咸聽部領雷部火車火鈴六丁六甲雷將雷兵威神萬變安心莫驚誓願救民代天奉行大彰顯化元亨利貞急急如律令

百變誓章呪

三界猛吏焮火大神軒轅治世衛佑將軍五月戊午昇入南宮火令之主變化乾坤霹靂大震焮火飛昇騎龍披霧身掛黃神戊巳巡歷丙丁遊行清茶淨水桃香一焚書吾真像錄吾真形聲吾玄化吾即降臨統領雷部火車火鈴火頭力士六甲六丁洞淵黑煞雷將雷兵巡繞三界從吾降升乾河竭海擲火流金焚擊火車霹靂大轟破洞伐朝誅妖滅精追魂攝魄顯赫威靈手執斧鑕鐵面銅睛解冤釋結呪詛脫清驅瘟斷疫剪截魔靈救民疾苦病患和平生理興旺萬事昌榮齊吾造化玉帝書名三官五府列位高真吾於左右侍衛祇迎妄告吾誓雷火自焚汝負吾誓矣

制及身風刀拷體六天剪形對天歎血毋忘誓盟急急如律令

通濟誓呪

雷霆猛將焮火神黃帝之時為將軍戰死貴尤立功勳玉皇敕命主雷靈羽翅雙飛烈火逆牙如利劍炎燥焚兩目燎火耀天地一怒濺沸山摧傾火車霹靂震光逆木石成粉鐵為塵破窠搗穴擊妖怪焚室毀廟誅邪神殲瘵伏尸并故悉瘟瘧疫毒並區分解冤釋結無牽執樓官散訟度災逃錄吾真像聲吾號焚吾符篆化吾形隨吾應聲無阻礙汝亦安心莫惕驚誓願救民諸厄難化形三界濟生靈惡鬼奸神莫敢干勞目一視萬邪傾急急如律令

普濟呪

雷霆猛吏焮火大神雷公電母風伯雨師邵陽元帥鐵面將軍五方蠻雷使者諸聽吾令吾風承道旨掌握帝符職任雷霆專司殺伐汝遵號令來注於吾凡誅妖魔驅除瘟疫斷症沉勞解冤釋結度厄消災飽柳脫鎖沉墜

官鬼離諸圍圍毀廟焚堂封山破洞攝鬼追寬救民疾苦凡有祈求汝宜宣力風火無停明彰厥職謹按玄盟誓言歎血玉帝敕命母輒故違違去速來大展雷威吾在壇前卓劍相待立伺報應疾

廣應呪

上帝敕命雷祖告盟中天焮火律令大神遍身流火萬丈藍身悉衝雲陣聲震雷電手執斧鑕呼集天兵上下交接足踏火輪水火縱橫魁罡真人除災力士降魔將軍解分呪詛度厄消違官符解散禍官離身癘瘧勞瘵家親伏連山巖洞谷惡鬼強神神胎鬼孕化作微塵行神布悉速遍乾坤發號施令助國救民大彰赫奕廣顯威刑帝敕在手萬里橫行五垂報應風火無停急急如律令

救遣呪

雷霆猛吏操人精靈赫赫晃耀乾坤洞明摧山倒嶽伐惡除精天地威猛檢祭神明無私敢縱無惡不刑解冤釋結黑簿除愆欠財負命隔絕毋牽沉斷勞瘵斷伏連沉墜官符

(102) A 卷 五 一

驅除五瘟姻親和合口舌不纏方隅安靜病
患康寧符到奉行不得稽延違符運命上有
憲刑立望雷神大顯威靈急急如律令

雷火呪

火德之精五雷之神玉樞號令統主雷霆三
界猛吏乃吾為主六天火雷惟吾獨尊敕命
降及收捉鬼神行神布赤走火行風領兵十
萬大震雷霆轟雷掣電展露風雲急急如律
令

布雷呪

太山之神降赴雷霆賊戮奸邪轟震雷聲東
方青雷發青火起青雷賊滅東方青瘟腐木
之精官音呪詛冤家巖谷洞穴木神木鬼化
為微塵南方赤雷發赤火起赤雷賊滅南方
赤瘟炎火之精商音呪詛冤家巖谷洞穴火
神火鬼化為微塵西方白雷發白火起白雷
賊滅西方白瘟死金之精角音呪詛冤家巖
谷洞穴金神金鬼化為微塵北方黑雷發黑
火起黑雷賊滅北方黑瘟濁池之精徵音呪
詛冤家巖谷洞穴水神水鬼化作微塵中央

黃雷發黃火起黃雷賊滅中央黃瘟糞土之
精羽音呪詛冤家巖谷洞穴土神土鬼化作
微塵中天欵火律令大神布赤行神起雷發
火掣雲烈煙大施電轟震雷聲震官賊星
起雷離官榮惑星起火尤官太白星起雲坎
官辰星起雨中央鎮星起風掃蕩諸不祥吾
身行坐處太乙月孛星君行雷布電殄滅妖
氣伏屍故悉雜劇兇殃天火地火三昧真火
一照五雷星行雷起火神溫趙朱馬陳誅滅
無道神不論高下鬼雷轟電滅形急急如律
令

制魔呪

元始化生五雷威神開天闢地降伏威星猛
火萬隊夜叉千群四頭八臂巨口金睛萬天
萬丈吞魔食精呼吸風雨叱咤雷霆雷公霹
靂電母流金風雷鼓動天地冥昏誅龍斬恠
日月無停天神拱手地祇奉迎九天乾象日
月星辰飛天神王一一咸聽九地坤維泉曲
幽冥北都羅鄴洞淵四溟地司水府明檢鬼
營常行正道養育群生敢有作過惱害生靈

符命所召雷霆奉行誅斬焚燒化作微塵威
不可當罪不可逃救民濟世位列九天諸天
誦唱神功日昇威制三界役使萬靈斬妖誅
恠雷電星飛婆羅威雲騰利吹輝阿曲陳槃
畢繼緋衣鼓流微妙南魯擲火付煙石義疾
闕斗中須延火主阿奴上言鼓千和女慎住
阿烏輪輔明壽奎壁遠圖福謠真易雷靈隱
諱誦持萬遍與神同契合明日月威神加備
壬癸子亥當誦此經真靈護佑與道合真急
急急如律令

破魔呪

九天九炁百萬天兵上總天魔下察幽冥千
神拱手萬魔導形吞星食月三界之尊口吐
猛火流金火鈴雷風電雨刀劍紛紛神通護
衛家宅蕃榮魔無干犯鬼絕妖精瘟瘴消遁
壇禁肅清五雷神將安鎮宅庭玉皇敕命不
得容情急急如律令

都聚呪

陰靈陰靈天驚地昏神通廣大吞日食星三
清悉滿五帝清靈總領三界提點雷霆九州

社令役使西東五湖四海十二溪真山川分野名山洞天泉源地府九地九靈上朝金闕下救凡民三天之下五嶽大神四瀆水府一呼名當雷者死順雷者生玉皇正炁鍊度雷靈除邪斬妖救護群生急急如律令

威猛呪

諸天雷神三界之尊威動上帝誅斬兇群天上地下北都幽冥降伏魔恠追攝幽鬼三界奉命敢有不遵五雷猛吏霹靂風奔魔王東首鬼妖滅形護持法教救濟生民天眞保舉地祇奉迎急急如律令

威明呪

威明大神上帝雷神前有敎火後擁天兵風雷雨霹靂交轟逢妖斬馘遇鬼滅形雷公電母風伯雨師玉皇敎命不得留停急急如律令

霹靂大神呪

三元九老玄元始分天兵萬億收捉魔精威神萬隊夜叉千群吞妖食孽部領萬神玉帝敎命救護生民邪精束首人道長生急急如律令

律令

水精呪

水神水神五炁之精周流三界百關通津收除火毒却退炎神神精蕩蕩威炁雄雄流入胃華五臟之中神清炁爽定奪軍萬魔蕩迹潤液有功玉帝敎命鎮安火星急急如律令

鎮火呪

鎮火呪

玉帝敎命召汝雷神鎮安火星從我遊行上承天命統攝萬靈追克攝鬼鎮厭火精日官主宰星府之尊吾奉帝命救護生民執符把錄護佑壇庭敢有不伏劍斬火焚急急如律令

解冤結牽纏呪

解冤結牽纏呪

天解地解陰解陽解前生父母執吝解上世七祖八代冤家呪詛牽纏解見世父母姻親呪詛牽纏解負命者解欠財者解鴛鴦花債暗約偷期怨憶者解厨前竈後神前佛所怨生訴死自訴自誓一切呪誓解山巖洞府奸神惡鬼妖精胎孕解血湖硤石三十六曹七

十二採積劫牽纏執對解已解未解威令速解速速解汝若不解過刻違時違命違符錢面雷神顯不容情滅汝崇形絕汝崇精雷斧砍分成灰粉碎急急如律令

催生五雷呪

一步天雷起二步地水風三步雷靈震四步霹靂通五步驅役五雷使者前馘厥蓋後驅孽龍神靈神靈上達天廷五雷風伯雷電奔騰雷罡踢起萬鬼滅形破洞伐廟馘妖滅精陰陽交媾十月滿盈當令分娩何用稽停誅鉏襍滲滅血精厭耗妖恠產育慶靈血湖硤石殄掃無停神胎鬼孕五要區分前生父母感即離身冤家解散呪詛無牽連生順生胎衣俱生橫逆利順如水流傾良時吉日星曜長庚十月滿足何為不生司命在門太乙在庭品命定算萬神咸聽九天上帝賜與吉祥注祿定算速下命章已生未生早獲生成父甲母乙男女利益債負不牽冤讎兩釋解分胎結軀却兇殃救民產厄子母昌榮六丁六甲火首金剛霹靂吏兵威劍神王擲大萬

里雷掃八方陽光陽光與吾蕩光順雷者主
逆雷者亡急急如律令

救產呪

五方真雷雷公電母火師真王無鞅雷神風
伯兩師皆聽吾令破洞伐廟驅邪治病誅妖
滅精解分胎結開關陰陽子母兩全臨盆有
慶雷霆指揮呼吸相應代天奉行急急如律
令

解胎結呪

天令靈地令明雷雷起焮火興霹靂發火雲
生雲轟然電光橫天地震役天丁解胎結誅
血精誅穢解牽纏產身即分娩子母獲雙
全急急應吾口急急應吾聲精違吾口教有
如逆上請急急如律令

開道呪

火晶飛鳥鳳蕭龍鱗飛符前路剪除妖氛敢
有效尊斷踪滅形神威到處食鬼吞精急急
如律令

催生呪

監生大神掌生之靈催魂童子七魄郎君上

帝有敕救度身形邪精斬首急速降生急急
如律令

下死胎呪

既為我子何得自亡故為我冤非理來傷太
上之子北帝為祥速令生下不得降殃天關
地鎖速令開張天理順行吾道自揚急急如
律令

辟火呪

丙丁之精元炁陽明威運天下祛滅火神急
急如律令

步罡呪

一步天星回二步崇惡伏三步水逆流四步
凶邪滅五步雷公鳴六步六丁神七步青龍
加太乙剔起雷火發萬里

救殊呪

陽精朗照陰鬼當衰神朱赫赫光耀太微我
今所化萬惡皆摧三炁成火七炁成台三星
俱照符到速追急急如律令

朝斗呪

斗魁七星眾靈之精輔弼二相三台明象六

丁玉女紫微四時天罡天元坎水八玄四目
神仙金童傳言誦滿百遍七真應現延壽驅
危斬毒滅妖祈求任意保真富貴身有光明
乾元亨利急急如律令

請水呪

五方太一神精北帝太華玉漿隨吾真炁為
吾發揚崑崙流液翠境妙香神明一視萬鬼
咸藏急急如律令

呪水治病呪

神水洋洋萬里精光五雷布炁斷絕不祥歸
脾入胃透膽穿腸百病速去通流膀胱急急
如律令

服符呪

無上三天大法師太上紫微諸靈神今有某
為某病請符吞服願此靈符成靈莫測志合
天心吞帶鎮貼誅邪斬精止絕鬼魅永斷蹤
由勞瘵蠱毒滅跡除形病者服之五臟安寧
謹請天雷力士地雷力士風雷力士火雷力
士平天大將軍平地大將軍平魔大將軍攝
魔大將軍流鬼大將軍通天地運五行鳴鐘

鼓遠乾坤天兵地兵水兵鬼兵各百億
萬騎上張天羅下布地網誅鬼妖捉精邪吾
奉帝敕火急奉行

召使者呪

赤鴉赤鴉風火之車雷中烏鬼雲外夜叉受
命北帝東令丹寶急來報應寶加加急急
又又加加鴉鴉康旻子華帝警之子顛帝之
孫吾今召汝速往雷家急急如律令

飛捷呪

飛捷使者職司直符威靈捷疾神通太虛上
天入地報應無阻就騰傳符關告雷部今日
今時來臨壇所

八雷神呪

混元之精收悉散英仙童十二環列帝廷三
陽師帥五部雷靈奔雷走電流金火鈴撼動
天柱灌裂丘陵掃蕩九醜役使萬靈號令不
妄顯戮有情赫身震伐閉塞成驚四溟八海
朝宗玉京急急如律令

召四神呪

東炁合肝南炁合心西炁合肺北炁合腎天

雷隱隱四戶分明雷公電母風伯雨師聞呼
即至不得久停

召雷公呪

天蓬有敕部領雷公敕火大神八將侍行雷
霆猛吏八卦將軍太乙真宰五雷雄兵吾今
令召速至良宮急急如律令

起風呪

吳風忙忙雷起興馮夷鼓舞怒不停聞伯攝
動天地昏飛砂走石穿山林震響震響哮吼
聲翻山入水怒濤驚急急如律令

召荀畢二神呪

大帝曾有令二帥是吾神大黑天神黑霧大
神荀畢二帥來到壇庭與車倒嶽擒捉妖精
聲如雷電白振振驚誅魔伐惡變雨化晴拖
天拽地轟雷閉寔上天至金闕下地入幽冥
陽間弄水府役使幾曾停汝乃天之精吾乃
地之靈以吾之真炁合汝之真精交媾丙壬
顯山倒嶽覆地翻天聞吾呼召火急降臨吞
魔食鬼掃蕩妖氛三官敕五帝行天煞神地
煞神天同地煞捉鬼神仗金鉞霹靂飛遊三

界鬼神悲吾今宜召雷門將疾速神威現真
形速捉天下不正神急急如律令

黑煞呪

黑煞黑靈黑炁騰騰火鈴火令火光萬丈天
煞地煞黑煞將軍八煞將軍前後煞哮哮呼
呼雷火電火水雷陽霹靂攝

祈雪呪

嚴嚴冷冷冰凍邪精速降天龍運動真炁揚
揚九壘南風颺颺北風飄飄急急如律令

又

東炁上相瑞光之家凝金聚玉瓊瑤天花主
豁火厲掃精滅邪慈仁救物應時無差願降
瑞雪遍滿中華急急如律令

又

金精太極玉華散輝驅雷走電風火氤氳皓
即火令降瑞太虛太清太極上真敕令號令
不停急急如律令

祈晴呪

火鈴火鈴火部尊神沖開五方收霖捲雲清
炁下降濁炁入地火揚萬丈燒滅邪精急急

如律令

又

火車火車雷令之家三五為帥冕光無涯擊
火萬里能掠雲霞輔佐上帝耀目銀牙豁落
水冷迅速無差伯温奉命立待賜華急急如
律令

邵陽呪

上帝敕下邵陽雷公雷光煥赫黑雲奔衝閃
爍霹靂符到急行火車火炬八靈八猖飛電
玉女擲火神王雷聲電光猛徹天蒼奔風走
霧震動威靈邵陽雷公急急起

皇天蒼蒼皇地冥冥上帝有敕坎雷發聲神
霄誥命火急施行邵陽雷公火車將軍背負
火瓢足躡火輪役使風雷徧布黑雲火鷹腥
烟雷車前轟赤猪鐵狗撼動乾坤散雲噤黑

振動南陵霹靂^{列七}號黑雷陣飛天邵陽雷公隨
符急起一如律令

神霄敕下巽戶樞臺欵火元帥嘯命風雷天
闢地軸火急奔惟烏雲斗變飛風欵來五方
響雷擊鼓斬摧八方雲雷震動九垓四溟大

神無輒徘徊飛天雷公燒鬼為灰橫天雷公
吹廟成灰猛風飛鴉後合前開左右雷陣猛
發霹靂今日告命不得違停寸斬不赦粉骨
碎身邵陽將軍隨符即行吾在壇前立伺報
應急急如律令

邵陽起雷呪

北斗七星灌注雷霆天罡所指五雷急起上
帝所敕立動霹靂肅命風雷飛砂走石一起
雷車二起閃電三起喧轟四起震動五起飛
砂走石六起狂風大霹靂織女四哥勾婁咭
判登僧得色天雷鳴地雷鳴神雷鳴水雷鳴
社令雷鳴水雷霹靂火雷霹靂金雷霹靂木
雷霹靂土雷霹靂金木相攻水火相擊吾呼
五雷火急霹靂一如律令

收罡呪

天地動日月明江海竭山岳崩罡炁起罩吾
身雷電發風火生急急如律令

五淨呪

丹朱正倫清靜攝台光幽精英靈去穢攝彭
璠彭矯彭質不得離吾身中攝太上三天虛

无自然攝上清靈寶虛无攝

風火前奔呪

大精飛鴉鳳背龍牙飛符前路剪除精邪敢
有妖孽犯吾雷車神威到處動風飛砂撼山
拔木飛行太霞霹靂玉虎閃爍紫蛇三司將
吏今日排衙急急如律令

太上三洞神呪卷之七